

# 13<sup>M</sup> CONCORS PAR SELEZION DI TESCJ TEATRÂI IN LENGHE FURLANE

## 1. OBIETÎFS

- a. La Associazion Teatrâl Furlane e bandis un concurs par selezionâ gnûfs tescj teatrâi in lenghe furlane, in cooperazion cun Ente Friuli nel Mondo e cu la Societât Filologjiche Furlane, cul contribût de ARLeF su la fonde de L.R. n°29/2007, art. 24 “pe tutele, valorizazion e promozion de lenghe furlane”.
- b. La finalitât dal concurs e je chê di stimolâ la creazion di gnovis oparis teatrâls in lenghe furlane, che a sedin monolics, curts teatrâi o oparis teatrâls completis, come providût dal articul 3 dal propri Statût.

## 2. CATEGORIIS DAL CONCORS

- a. La selezion e je dreçade a creâ e/o individuâ oparis teatrâls in lenghe furlane, dal gjenar comedie (brilante, comiche, ironiche e a bon fin). Lis categoriis ametudis al concurs a son:
  - i. Monolics: raprezentazions di un sôl atôr;
  - ii. Curts teatrâi: piçulis senis o ats unics;
  - iii. Tescj teatrâi completis.
- b. I lavôrs a àn di sei ineditis, mai premiâts in altris concurs e mai rapresentâts.
- c. Il concurs al è risiervât ae scritture pe sene.

## 3. REQUISÎTS PE PARTECIPAZION

- a. Il concurs al è viert a ducj i maiôrs di etât, ancje a chei che a son a stâ tal forest.
- b. Il teme dai tescj al è libar. La lungjece dai tescj e à di sei cheste:
  - i. Monolics: lungjece massime 5 pagjinis;
  - ii. Curts teatrâi: lungjece massime 10 pagjinis;
  - iii. Tescj teatrâi completis: lungjece massime 50 pagjinis.
- c. E ven ametude une tolerance dal 10%. I caratars di doprà a son Courier New o Times New Roman, altece dal caratar 12, interlinie 1,0.

#### 4. MODALITÂT DI DAVUEZIMENT

- a. Il concurs si davuelzarà in plui fasis:
  - i. Iscrizion al concurs;
  - ii. Partecipazion (conseade) a un cors di scriture e consulence dramaturgjiche;
  - iii. Spedizion dai tescj par furlan ae fin dal cors;
  - iv. Selezion di bande de jurie dai tescj finaliscj;
  - v. Analisi e eventuâl revision (facoltative) dai tescj finaliscj;
  - vi. Votazion dai tescj finaliscj di bande des companniis sociis de A.T.F.;
  - vii. Serade conclusive.

#### 5. ISCRIZION

Par partecipâ al concurs bisugne compilâ il modul che al sedi stât cjatât in rêl dome sul sît internet de A.T.F. ([www.associazioneteatralefriulana.com](http://www.associazioneteatralefriulana.com)) **dentri dai 31 di Avost 2024.**

<https://forms.gle/72K5rNqALtdjtVPw9>

- a. La partecipazion e je a gratis.
- b. A partî dai **30 di Otubar 2024** i tescj e la documentazion a varan di sei spedîts vie e-mail al recapit [biblioteca@associazioneteatralefriulana.com](mailto:biblioteca@associazioneteatralefriulana.com). No vignarà cjadade in considerazion nissune documentazion spedide in date antecedente, par pueste ordenarie o midiant cualsisei altre maniere che no sedi chê ripuartade in maniere clare in chest bant, o documentazion incomplete. Il materiâl rivât midiant altris formis che no sedin chês proviodudis, nol vignarà cjavât in considerazion.
- c. Ogni iscrit al pues partecipâ cuntun massim di doi tescj in dut, ancje se in sezions diviersis.
- d. Tal moment di inviâ i elaborâts, i participants a varan di zontâ une declarazion, in cualitât di autôr, di vê i dirits su la opare e la sô publicazion e che la stesse e je il risultât dal so inzen esclusîf, acompagnade de firme e copie di un document di identitât valit.
- e. Cun la spedizione, i participants a autorizin ancje ae revision dal test te grafie uficiâl de lenghe furlane e la publicazion in rêl sul sît internet de A.T.F.

## 6. CORS DI SCRITURE E CONSULENCE DRAMATURGJICHE

- a. Par chei che si iscrivaran al concurs al vignarà organizât un percors, conseât ma là che a podaran partecipâ in maniere facultative, costituît di incuintris in presince e/o in rê, orientâts ae strutturazion dai progjets midiant di une supervision didatiche afidade ae Associazion Servi di Scena – Matearium.

## 7. SPEDIZION DAI TESCJ

- a. I tescj participants aes trê categoriis dal concurs a varan di sei scrits tal formât indicât tal articul 3. o in altri formât che al podarà jessi sugjerît vie pal cors di scritture e consulence dramaturgjiche.
- b. Sul frontispizi dal test al varâ di sei indicât il titul de opare. Il relatîf “file” al varà di vê il stes non de opare.
- c. I dâts dal autôr a varan di comparî dome te declarazion proviodude tal articul 5. come e) e f).
- d. I tescj a van inviâts, intal formât PDF, vie e-mail al recapit [biblioteca@associazioneteatrafriulana.com](mailto:biblioteca@associazioneteatrafriulana.com) cun ogjet: 13m concurs tescj teatrâi – non e cognon – titul de opare.
- e. La segretarie de A.T.F. e spedirà i tescj ai membrs de jurie in forme anonime.

## 8. JURIE

- a. La jurie e sarà formade dal President e di un minim di trê a un massim di cinc membrs identificâts intai ents che a davuelzin ativitât di tutele e promozion de lenghe furlane e di tutele de minorance linguistiche, dal studi e de cognossince de lenghe furlane.
- b. Il President de jurie al è il president de A.T.F. o so delegât.
- c. I criteris di valutazion a tignaran cont:
  - i. de originalitât e atualitât dal test presentât;
  - ii. dal ûs de lenghe furlane;
  - iii. dal coret ûs de grafie uficiâl;
  - iv. de cualitât de scritture dramaturgjiche;
  - v. de potenzialitât che il test al à di sei rapresentât in sene.
- d. Su la fonde dai criteris dal pont precedent, la jurie e selezionarà, in maniere che no si pues fâi cuintri, trê tescj par ogni categorie, che a parteciparan ae fase finâl de selezion.
- e. Ae jurie e je risiervade la pussibilitât di selezionâ tescj ancje ex aequo. La jurie e à la facultât di conferî une o plui menzons speciâls a altris oparis che a vessin di sei

ritignudis meritevulis. E à ancje la facultât di no selezionâ tescj tal moment che la cualitât dai elaborâts rivâts no sedi ritignude adate.

## **9. VOTAZION**

- a. La selezion finâl e je risiervade aes compagniis teatrâls associadis in maniere regolâr ae A.T.F. Lis compagniis teatrâls associadis ae A.T.F. a riceveran par e-mail i tescj selezionâts de jurie, dividûts tes trê categoriis, e dopo vêju lets a varan di fâ rivâ la proprie valutazion midiant il sisteme dal vôt in calâ compilant la schede che e vignarà zontade.
- b. Si vote dant un vôt numeric a ognidun dai tescj finaliscj. Si darà 3 al test preferît, 2 ae seconde sielte e 1 a chel preferît di mancûl par ogni categorie.
- c. Par che la schede e sedi valide, bisugne assegnâ ducj i valôrs a disposizion. Se, par esempi, la jurie e ves di selezionâ cuatri tescj intune categorie, i vôts di assegnâ a saran 4, 3, 2, 1 su la fonde de proprie preference.
- d. La sume dai vôts valits e determinarà la classifiche dai tescj finaliscj.

## **10. SERADE FINÂL**

- a. I autôrs dai tescj selezionâts pe fase finâl, visâts cun bon anticip, a parteciparan a une serade teatrâl, li che a vignaran proclamâts i tescj vincidôrs di ogni categorie dal concurs. Tal câs che no podedin jessi presints par resons motivadis, a podaran delegâ une persone di lôr fidance.
- b. A vignaran premiâts i miôr tescj di ogni categorie.
- c. I tescj finaliscj a vignaran publicâts sul sît internet de A.T.F.
- d. Vie pe serade a podaran sei presentadis leturis senichis dai tescj finaliscj o metudis in sene dai stes.

## **11. PROMOZION DAL CONCURS**

- a. Il concurs al vignarà publicizât sul sît internet de A.T.F., sui canâi “social” e spedît par e-mail a dutis lis compagniis teatrâls associadis.
- b. Si darà visibilitât al concurs spedintlu aes television, radio e testadis gjornalistichis locâls e ancje ai ents che a contribuissin e a colaborin al concurs.

## **12. DISPOSIZIONS FINÂLS**

- a. La partecipazion al concurs e compuarte in maniere automatiche la acetazion di ducj i articui di chest Regolament.
- b. I participants al concurs a acetin il tratament dai propriis dâts personâi intal rispiet dal GDPR n.2016/679 dal 25 di Mai 2018.

<https://forms.gle/72K5rNqALtdjtVPw9>